



Broj: 01-34-2637/24

Mostar, 14. 11. 2024. godine

Na osnovu člana 10. Pravilnika o dodjeli stipendija („Službene novine HNK“, broj: 15/24), Ministarstvo obrazovanja, nauke, kulture i sporta HNK, raspisuje

KONKURS
za dodjelu stipendija
u akademskoj 2024/2025. godini

I.

Raspisuje se Konkurs za dodjelu stipendija redovnim studentima prvog i drugog ciklusa visokog obrazovanja s područja Hercegovacko-neretvanskog kantona (u daljnjem tekstu: HNK) u akademskoj 2024/2025. godini.

II.

Pravo prijave na Konkurs ima:

1. Student koji prvi put upisuje prvu godinu studija,
2. Student više godine studija, ukoliko ne obnavlja godinu u kojoj se prijavljuje na Konkurs za dodjelu stipendije, a nema status korisnika stipendije.

Student se može prijaviti za:

1. Osnovnu stipendiju i/ili
2. Dodatke na stipendiju

- Studenti koji imaju sklopljen ugovor o stipendiranju iz prethodnih godina, od dana stupanja na snagu Pravilnika svoj status nastavljaju kao korisnici osnovne stipendije, u skladu sa odredbama novog Pravilnika, te imaju pravo na prijavu za ostvarivanje prava na dodatak na stipendiju iz tačke IV. Konkursa.
- Studenti koji imaju sklopljen ugovor s Ministarstvom o subvencioniranju smještaja u studentski dom iz prethodnih godina, od dana stupanja na snagu novog Pravilnika svoj status nastavljaju kao korisnici osnovne stipendije, o čemu će se zaključiti aneks ugovora, a na osnovu prijave za dodatak na stipendiju, (grupa d) i dostavljanja potrebne dokumentacije, ostvaruju i pravo na dodatak za smještaj u studentski dom.

III.

Kako bi ostvario pravo na stipendiju, student mora ispunjavati sljedeće opće uslove iz člana 3. Pravilnika o dodjeli stipendija („Službene novine HNK“, broj: 15/24) (u daljnjem tekstu: Pravilnik):

- da ima status redovnog studenta; (dokaz: potvrda fakulteta o statusu redovnog studenta),
- da je državljanin Bosne i Hercegovine; (dokaz: uvjerenje o državljanstvu),
- da student i roditelj imaju stalno prebivalište na području HNK najmanje godinu dana prije raspisivanja konkursa; (dokaz: potvrde/uvjerenja o prebivalištu, ne starije od 6 mjeseci),

- da nije stariji od 21 godinu kada upisuje prvu godinu studija; (dokaz: potvrda fakulteta s naznačenom godinom upisa na studij),
- da nema bespovratnu finansijsku pomoć nekog drugog davaoca iz sredstava budžeta i vanbudžetskih fondova bilo kojeg nivoa vlasti u BiH, javnih preduzeća, ili javnih ustanova; (dokaz: ovjerena izjava),
- da ne studira izvan Hercegovačko-neretvanskog kantona ako takav studij, na maternjem jeziku postoji u Hercegovačko-neretvanskom kantonu,
- da ne obnavlja godinu u kojoj se prijavljuje na konkurs za dodjelu stipendije; (dokaz: potvrda fakulteta),
- da studira na javnoj visokoškolskoj ustanovi u Bosni i Hercegovini.
- **Uz navedene dokumente, student je obavezan dostaviti i potvrdu o tekućem računu banke.**

IV.

- (1) Student koji aplicira na konkurs za dodjelu stipendije, kao i student koji ima sklopljen ugovor s Ministarstvom iz ranijih godina, ostvaruje i pravo prijave za dodjelu dodatka na osnovnu stipendiju te se može prijaviti za:
 - i. **Grupa a)** - uspjeh studenta u školovanju, odnosno studiju
 - ii. **Grupa b)** - socijalno-materijalni status studenta
 - iii. **Grupa c)** - deficitarnost zanimanja
 - iv. **Grupa d)** - smještaj u studentski dom
- (2) Student se može prijaviti na svaku grupu prethodno navedenih dodataka na osnovnu stipendiju, s tim da za svaku grupu dostavlja potrebnu dokumentaciju u odvojenim kovertama.
- (3) Student može ostvariti pravo na jedan dodatak na stipendiju, koji je za njega povoljniji.
- (4) Dodatak na osnovnu stipendiju nije predmet ugovora i odnosi se samo na akademsku godinu u kojoj je ostvaren.**
- (5) Odluku o dobitnicima dodataka na stipendiju po grupama donosi ministar.

V.

Kriteriji i bodovi za dodjelu dodatka na stipendiju

- **Grupa a) uspjeh studenta u školovanju, odnosno studiju**

- (1) Student prve godine studija koji je upisao studij po završetku srednje škole s prosječnom ocjenom 5,00 i studenti viših godina studija s prosjekom ocjena 10,00 ili 5,00 ostvaruju pravo na dodatak na osnovnu stipendiju.
- (2) Studentu koji nema prosjek ocjena iz stava (1) ovoga člana, dodjeljuju se bodovi na osnovu ostvarenog uspjeha, kako slijedi:
 - a) Uspjeh u školovanju za studente prve godine studija, utvrđuje se prosječnom ocjenom općeg uspjeha I, II, III, IV razreda i završnog ispita (mature) srednjoškolskog obrazovanja, (studenti 1. godine)

Prosjek ocjena	Bodovi
4,8	30
4,6	20

- b) Uspjeh na studiju za studente viših godina studija, utvrđuje se prosječnom ocjenom (aritmetički prosjek) svih ispita prethodno završene godine studija, zaokruženo na

dvije decimale

Prosjek ocjena	Bodovi
9,25 – 9,99 ili 4,5 – 4,99	50
8,6 – 9,24 ili 4,0 – 4,49	40
7,95 - 8,59 ili 3,5 – 3,99	30
7,3 – 7,94 ili 3,0 – 3,49	20

• **Grupa b) socijalno-materijalni status studenta**

- (1) Student bez oba roditelja automatizmom dobiva dodatak po osnovu socijalno-materijalnog statusa.
- (2) Student može ostvariti bodove na osnovu pripadnosti roditelja boračkoj populaciji, samo po jednom osnovu, koji je za njega povoljniji.
- (3) Samohranim roditeljem u smislu ovog Pravilnika smatra se roditelj koji ne živi u bračnoj ili vanbračnoj zajednici i sam se brine za svoju djecu. Status samohranog roditelja dokazuje se izvodom iz matične knjige umrlih (za umrlog roditelja) ili izvodom iz matične knjige rođenih (ime jednog roditelja).

Kriterij	Bodovi	Dokaz
-za studenta sa utvrđenim tjelesnim oštećenjem od 70% i više	50	Rješenje nadležnog tijela o utvrđenom stepenu tjelesnog oštećenja
- za studenta sa utvrđenim tjelesnim oštećenjem od 30% do 70%	40	Rješenje nadležnog tijela o utvrđenom stepenu tjelesnog oštećenja
-za studenta koji je roditelj	30	Rodni list djeteta
-za studenta kojem su brat ili sestra predškolske dobi ili u sistemu redovnog osnovnoškolskog, srednjoškolskog i visokog obrazovanja (za svakog brata/sestru)	5	Rodni list i potvrda odgojno-obrazovne ustanove
-za studenta kojem su oba roditelja nezaposlena	30	Potvrda Zavoda za zapošljavanje
-za studenta čiji je jedan roditelj nezaposlen	10	Potvrda Zavoda za zapošljavanje
-za studenta koji je korisnik socijalne pomoći ili korisnik javne/narodne kuhinje	30	Potvrda nadležne ustanove
-za studenta kojeg izdržava samohrani roditelj (jedan roditelj umro, nestao, nepoznat), a da taj roditelj nije iz kategorije, umrlog demobilisanog borca RVI	15	Izvod iz odgovarajućih matičnih knjiga
-student djetete dobitnika ratnog priznanja I, II, III grupe	10	Uvjerenje općinske – gradske službe/organa za pitanja vojne evidencije
-student djetete RVI- I,II,III grupe	15	Uvjerenje općinske - gradske službe/organa nadležnog za

		boračko-invalidsku zaštitu, koje ne može biti starije od šest (6) mjeseci
-student dijete RVI- IV, V i VI grupe	10	Uvjerenje općinske - gradske službe/organa nadležnog za boračko-invalidsku zaštitu, koje ne može biti starije od šest (6) mjeseci
-student dijete RVI-VII, VIII, IX i X grupe	5	Uvjerenje općinske - gradske službe/organa nadležnog za boračko-invalidsku zaštitu, koje ne može biti starije od šest (6) mjeseci
-student dijete demobilisanog borca	5	Uvjerenje općinske – gradske službe/organa za pitanja vojne evidencije
- student studira na visokoškolskoj ustanovi čije je sjedište izvan grada/općine u kojoj ima prebivalište	5	Uvjerenje o prebivalištu Potvrda visokoškolske ustanove

- **Grupa c) deficitarnost zanimanja**

- (1) Deficitarnost zanimanja za svaku akademsku godinu utvrđuje se Odlukom koju donosi Ministarstvo.
- (2) Dodatak na stipendiju na osnovu deficitarnosti zanimanja student ostvaruje prijavom i dostavljanjem potvrde visokoškolske ustanove kojom se potvrđuje da student studira na studiju koji je Odlukom utvrđen kao deficitaran za tu akademsku godinu.

- **Grupa d) smještaj u studentski dom**

- (1) Pravo na ostvarivanje dodatka za smještaj u studentski dom student ostvaruje prijavom i dostavljanjem potvrde studentskog centra o statusu studenta korisnika usluga nekog od javnih studentskih centara na području Bosne i Hercegovine.
- (2) Za studente koji ostvare pravo na dodatak na osnovu smještaja u studentski dom, isplata osnovne stipendije i dodatka za smještaj u studentski dom se smatra subvencijom smještaja, a vršit će se na račun studentskog centra po ispostavljenom mjesečnom zahtjevu/računu s priloženim spiskom korisnika.
- (3) Ukoliko student prestane biti korisnik usluga studentskog centra tokom akademske godine u kojoj je ostvario pravo na dodatak iz ovog člana, dužan je o istom izvijestiti Ministarstvo kako bi se obustavila isplata subvencije (osnovne stipendije uvećane za dodatak za smještaj u studentski dom) na račun studentskog centra, a nastavila isplata osnovne stipendije na račun studenta.

VI.

- (1) Kandidat je dužan registrovati se na portal stipendije službene stranice Ministarstva, a nakon uspješne registracije preko e-mail adrese, ulogirati se na portal i pristupiti prijavi na konkurs unoseći podatke u **online** obrazac.
- (2) Kandidat je obavezan popuniti **online** obrazac, isti isprintati, potpisati i dostaviti

- Ministarstvu zajedno sa ostalom potrebnom dokumentacijom, putem pošte ili lično.
- (3) Prilikom popunjavanja **online** obrasca kandidat će zadužiti jedinstvenu šifru/kod.
 - (4) Nakon uspješne registracije i prijave na osnovnu stipendiju, kandidatu će na portalu biti ponuđena opcija prijave na dodatak na stipendiju.
 - (5) Kandidat može aplicirati na osnovnu stipendiju i na dodatak na osnovnu stipendiju utvrđene tačkom V. ovog Konkursa.
 - (6) Stipendistima iz ranijih godina koji su već registrovani na portal za stipendije, nakon prijave na profil, na portalu će biti ponuđena opcija prijave na dodatak na stipendiju. (**Napomena:** studenti koji imaju sklopljen ugovor s Ministarstvom i korisnici su stipendija iz ranijih godina, a dostavljanjem potvrde o upisu sljedeće godine i uvjerenja/potvrde o prebivalištu su u skladu sa ugovorom produžili stipendiju i u tekuću akademsku godinu, mogu aplicirati na dodatke za stipendiju, u skladu sa tačkom IV. Konkursa).
 - (7) Sastavni dio **online** obrasca je i izjava kandidata kojom se pod materijalnom i krivičnom odgovornošću potvrđuje tačnost unesenih podataka i dostavljenih dokaza.

VII.

- (1) Spisak studenata dobitnika osnovne stipendije, objavljuje se na službenoj stranici Vlade HNK, službenoj stranici Ministarstva i na oglasnoj ploči Ministarstva.
- (2) U roku od pet (5) dana od dana objave spiska iz prethodnog stava, studenti mogu uložiti prigovor.
- (3) Prigovor se podnosi ministru.
- (4) Nakon riješenih eventualnih prigovora, ministar donosi Odluku o dobitnicima osnovne stipendije.
- (5) Na osnovu Odluke iz stava 4. zaključuje se ugovor između Ministarstva i studenta.
- (6) Ugovorom se posebno preciziraju prava i obaveze ugovornih strana.

VIII.

Odluka o visini iznosa osnovne stipendije u akademskoj 2024/2025. godini te Odluke o broju studenata koji će ostvariti pravo na dodatak na stipendiju po grupama, kao i visinu i način isplate dodataka, donijet će se naknadno.

IX.

Prijavni se obrazac, zajedno s ostalom potrebnom dokumentacijom, dostavlja u roku od petnaest (15) dana od dana objave Konkursa, na protokol Ministarstva u vremenu od 11 do 14 sati, ili putem pošte na adresu:

Ministarstvo obrazovanja, nauke, kulture i sporta HNK
Stjepana Radića 3/III, 88 000 Mostar
s naznakom: „Prijava na Konkurs za dodjelu stipendija“ s obaveznom naznakom
„ZA OSNOVNU STIPENDIJU“ ili
„ZA DODATAK NA STIPENDIJU“ s naznakom grupe iz tačke IV. Konkursa

MINISTAR

prof.dr. Adnan Velagić